



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CIII. Ioannis Papae VIII. Ad Rostagnvm Archiepiscopvm
Arelatensem. Vt ad Synodum cum suffraganeis suis quamprimum veniat.

urn:nbn:de:hbz:466:1-15967

134 IOANNIS PAPÆ VIII.

vniuersam redegisti in solitudinem : ecclesias , vt afferunt , ministris exspoliasti : castella ipsius terræ callide ac fraudulenter inuasisti . Quia compulsi necessitate homines Bernardi gloriosi marchionis , cum multitudine hominum tuæ rabiei occursando , aliqua in eadem terra perperam egerunt : vt velut Ieroboam filius Nabath , qui peccauit & peccare fecit Israel , auctor omnium peccantium existas . Ideoque ad vniuersalem Synodum nostram , quam Deo auctore in proximo sumus celebraturi , Lugdunum venire te occasione omni postposita volumus , si funditus , vt dictum est , non vis gladio diuino multari . Lindoinum quoque vicecomitem audimus potestate , vti horrende denuntio , vti sacerdotali in parochia Sigebodi Narbonensis archiepiscopi , presbyterosque tuos in eius exteris subrogare ecclesias . quod concite tuæ vitæ consulentes corrigere & emendare mandamus . Te vero Huncfridum ex diaconatus officio , & venerabili monachico habitu , apostamat audimus & dolemus effectum . Quapropter vel sera te poenitentia per Domini misericordiam libera , & ad monasterium quanto citius confuge : vel si de tua confidis conscientia , ad Synodum nostram de illatis tibi atque obiectis te purgandum occurre : ne si prætermiseris , anathematis vinculo , vt pote apostata & rebellis , alligeris . Data vt supra .

EPISTOLA CIII.
IOANNIS PAPÆ VIII.
AD ROSTAGNVM ARCHIEPISCOPVM
ARELATENSEM.

Vt ad Synodum cum suffraganeis suis quamprimum veniat .

Rostago venerabili archiepiscopo Arelatensi .

QVIA omnipotentis Dei miseratione vniuersalem Synodum sumus celebraturi in proximo , te , omnesque tuos coepiscopos suffraganeos , volumus , auctoritate apostolica admonemus , expresseque mandamus , ad hanc omni postposita occasione quantocius præsentare , exceptis eis obstaculis , quibus remorandi licentiam sacri Canones tribuunt . Alias , quod non optamus , quicumque se a tan-

to hac vice collegio subtraxerit, particeps de reliquo nostræ communionis esse nullatenus valebit. Data ut supra.

EPISTOLA CIV.

IOANNIS PAPÆ VIII.

AD FROTARIVM ARCHIEPISCO PV M.

Vt ad Synodum cum suis suffraganeis Trecas veniat.

Frotario venerabili archiepiscopo Biturigenfi.

AUDITIS denique deploratione atque angustia literis tuæ fraternitatis, quæ vobis ab hominibus Bernardi comitis sunt illatæ, recens dolor priori est augmentatus, & quod tibi sedis tuæ aditus clausus, mihi met ipsi id reputo. Hortamur interim dilectionem tuam patienter sufferre, & ad Trecas cum fratum coepiscoporumque nostrorum collegio diœceseos tuæ ad Synodum Domino cooperante celebrandam quantocius properare. Ludouici regis amantissimi filii nostri aduentum præstolamus quotidie, inhianterque desideramus. Optamus sanctitatem tuam in Christo bene valere. Data ut supra.

EPISTOLA CV.

IOANNIS PAPÆ VIII.

AD BERNARDVM MARCHIONEM.

Monet vt Frotario aditum ad suam sedem patere faciat.

Dilectissimo filio Bernardo nobilissimo marchionum.

QVIA tempore nonnullos diligimus specialius, idcirco in his quæ nobilitatem vestram Deum offendere cognoscimus, vos paterno increpamus affectu: præsertim de causa Frotarii venerabilis episcopi, cui, vt audimus, vestri homines iter ciuitatis suæ, ne ad sedem suam ingredetur, temerarie clauerunt. Episcoporum iudicium, fili carissime, suo tantummodo Dominus seruauit arbitrio, nec de episcopis vult laicos iudicare; vnde monemus dilectionem tuæ caritatis, vt quidquid in hac causa prædicti episcopi deliquistis, sub celeritate & legaliter emendare studeatis: quia nos illud, nisi pro digna emendatione, inultum remanere nullomodo patimur officio ac ministerio sacer-